
摘藻堂四庫全

書薈


要 经 部

欽定四庫全書為要大易幹言悉首

詳校官祭酒臣幸誠恒 臣王杰祥校



之說今忠孝之書已不傳惟賴是書以存 五卷盖原本每卦每傳各為一篇刊本不 本所分十卷篇頁未免過繁謹重加釐 標卷一至卷十則經義改所記亦誤 張載楊時将酢郭忠孝及種師郭雍七家 為七十三卷著之於録書中所采凡二 屬故從其分篇之數稱七十有五然宋刻 板置郡齊後夢印漫港張嗣古陳造先 今 訂



龍舒因與二三僚友語及先生之學皆欣然有得謂種 文王周孔始有辭後人當使言與心通理因辭見明行 川家所當發揮大易之古者明道伊川横渠廣平龜山 日易道盖生生不窮未嘗拘泥胡可不傳遂相與夏伊 可怪也問吾根於性理者哉淳熙乙未夏五月種代匱 明事然後為得甚者以象為本以數為宗以卜筮為尚 伏羲以前理具而畫木形伏羲以後畫形而理遂晦至

大易粹言原序

· C NJ 目 met di dilo

大易粹言

先生之學畫前之易也學者宜究心馬淳熙二年九月 載部先夫詩亦有畫前元有易之語盖七先生之所宗 臣父子之大致誠不為無補易曰先天而天弗違龜山 說雖小有不同要其終則歸乎一致板之以傳使夫後 無山白雲合七先生集為一書目之日大易粹言考其 之學者由是可以知仁義道德之說性命禍福之理君

一尺孔可上 人上 學易 欽定四庫全書曾要卷一百十三經部 大易粹言卷首 要熟讀然後却有用心處題錄〇若欲治易先尋繹 文義且須看王弼胡先生荆公三家理會得文義且 伊川先生曰易有百餘家難為編觀如素未讀不晓 令熟只看王弼胡先生王介甫三家文字令通賞餘 人易說无取枉費功年亦長矣宜汲汲也與金堂 大易粹言 方

聞 編

添減不得也〇自孔子贊易之後更无人會讀易先 隻脚亦不知是少添一隻脚亦不知是多若識則自 多就上減一德亦不覺少譬如不識此几子若減 物只就上穿鑿若念得不熟與就上添一 凢看書各有門庭詩易春秋不可逐句看尚書論語 可以逐句者羅氏〇今時人看易皆不識得易是何 嗣韓康伯只以莊老解之是何道理某於易傳然 不見於書者有則不可知見於書者皆未盡如王 徳亦不覺

周白 温

曾下工夫如學者見問儘有可商量書則未欲出之 發明故謂弟子曰加我數年五十以學易期之五十 時學易者支離易道不明仲尼既修他經惟是易當 子學易後可以无大過此大段失却文意聖人何當 有過如待學易後无大過却是未學易前當有大過 矣不知聖人何以因學易後始能无過曰先儒謂孔 此聖人如未當學易何以知其可以无過蓋孔子 遺 O 問加我數年五十以學易可以无大過). 1., 大易粹言

歃 謙辭學易可以无大過差易之書惟孔子能正之使 道未明聖人有作則易道明云學云大過皆謙辭語 道无大過矣古之傳易如八索之類皆過也所以易 過矣此未赞易時言也更加我數年五十以學易易 然後發易則學易者可以无大過差若所謂赞易道 〇當孔子時傳易者支離故言五十以學易言學者 手編 〇論語云加我數年五十以學易可以无大 以點八索是也弟子侯其贊而後學之其過鮮也以點八索是也前此學易者甚眾其說多過聖人使 定四庫全書 卷首

於至日華 A ALS 某於易說後來所改者无幾不知如何故且更期之 曾子子夏學得然到上面也於查 40先生曾說某 出韓退之稱聰明不及於前時道德日負於初心然 於易說今却已自成書但逐旋期之以七十其書可 過皆識也〇由孟子可以觀易於 既贊易道點八索則易之道可以无過診言學與大 也孔子未發明易道之時如八索之類不能无謬亂 无過差於疑〇加我數年五十以學易時年未五十 大易粹言 遺氏〇易學後來

雖未出學未曾不傳也第患无受之者爾師說 冀有少進兩抵亦不必直待身後覺老達則傳矣書 問易傳不傳程子答曰易傳未傳自量精力未衰尚 不怒為主簿者敢言非深於易而何〇張閱中以書 未也程子曰以某觀之二公皆深於易者也公曰何謂 也程子曰以監司論學而主簿敢以為非為監司者 之許也公可昔與伯淳亦謂景溫於春秋則可易則 以十年之功周每〇謝公師直與程子論易程子未

曾容易下一字也並品堅中記〇古之學者先由經 益有及易書者方命小奴取書篋以出身自發之以 完始 遺○自涪陵歸易傳已成未當示人門弟子請 以釋義理盖始學時盡是傳授後之學者却須先識 雖有一字之疑伊川必再三喻之蓋其潛心甚久未 示門弟子非所請不敢多閱〇門弟子請問易傳事 伊川以易傳示門人曰只說得七分學者更須自體 理方始為得謂如易繁辭所以解易也令人須看 人易空言

新定四庫全書 時不及其文之才皆臨時參考須先看卦乃看得繁 言之已多取其未當言者亦不以重事又有且言其 問常包函數意聖人常取其重者為之辭亦有易中 繁辭不得〇觀易須看時然後觀逐文之才一文之 授之意云爾如繁辭本欲明易若不先求卦義則者 本欲明道今人若不光明義理不可治經蓋不得傳 了易方始看得繁靡一本云古之人得其師傳故 開語録 〇古之學者皆有傳授如聖人作 未因

一欽 錄 定四軍全書一 能无失也〇伊川欲啓手足封易傳與張思叔時 作傳只是因而寫成熟讀玩味即可見矣〇先生平 為請先生曰自量精力未衰尚題有少進耳其後寝 生用意惟在易傳求先生之學者觀此足矣語錄之 疾始以授尹傅張釋〇尹和靖曰先生踐優盡易其 類出於學者所記所見有淺深故所記有工拙盖未 東見録〇易傳成書已久學者莫得傳授或以並品與叔〇易傳成書已久學者莫得傳授或以 先生以易傳授門人曰只說得七分學者須更 大易幹言

極至之言寬每日念易一卦和靖曰一日只念一 寬日汝與其讀他書不若專讀易與其看伊川雜說 仍須一日專者一文乾坤二卦須日讀一過閒時看 自體究思叔以文祭先生曰先生有言見于文字者 不若專者伊川易傳易之為書經四聖人乃成皆聖 不可益七分之心猶或可推〇尹和靖謂其學者祁 人粹言垂訓後世者也伊川作易傳意欲傳後者皆 有七分之心繪于丹青者有七分之儀七分之儀固

明辭 識其時因曰唐虞禪夏后商周繼文王之不取武王 畜得又曰伊川易傳且待身後示人何也〇尹和 繁降〇尹和靖讀易至无妄大畜自有得處樂伊川 會處〇 祁寬問學易之道和靖日昔厚聞之伊川先 日觀言所以識其心觀行所以識其用不識後如何 日厚日讀伊川易傳 取不識時後便做文王武王不同非也使文王當 甫易時伊川易傳未出 久之再請伊川曰次伊川今且者胡先生王介人之再請伊川曰次 大易粹言 一卦近來甚覺有與心相契融

金 着便似子貢當時意然只是此一句便恰似到别害 灾 伊川自得者也且如子貢以如切如磋答孔子今讀 得文王事皆時也識得時後便見堯舜湯武其揆 武王之時便做了武王事使武王當文王時也只做 也推此時之大者吾輩語點出處皆要識時便六十 四庫全書 易傳吾輩讀時言下會解與伊川何異只是不似 卦文文都得為自家用也至若孔子稱文王 喻此意○和靖日學者須要自得至如伊小只是○和靖日學者須要自得至如伊 孟以 子服

2 2) 3 箇道理自得後處處通也寬問自得如何下手和請 日格物寬日格物莫只是窮理否和靖日是寬日窮 惟吉凶不僭在人惟天降炎祥在德易中亦只說這 詩中說正身齊家禮易中亦只說此至如詩中思无 時未見書只於詩中得這道理如此等語不有自得 邪感鬼神書中德惟一動罔不吉德二三動罔不凶 却不能如此又濟甚事學必貴自得橫渠當云讀詩 如此乎人若有自得只一經足矣奚以多為且如 J. J. . . 大易粹言 논

夕二程先生至論易次日横渠徹去虎皮曰吾平日 横渠先生曰昔在京師坐虎皮説周易聽從甚象一 流 為諸公説者皆亂道有二程近到深明易道吾所弗 是要託物窮理也又曰自得者更不待思只恁智中 詩多識鳥獸草木之名只恁識要做甚只要窮理也 如以唐棣沉兄弟若理會得兄弟之理何用唐棣只 理莫只易是捷徑和靖日六經皆是非獨易也且如 出

鱼

定四庫全書 |

卷首

說得淺常人之談耳〇昔有勸正叔先生出易傳示 玩易之文以言易若說得深即不是聖人作用處若 易元无所見可憐一生用功都无是處〇未見易而 徹了不濟事易不比他經須心通始得如襲深久說 易只是理會文義未必心通若非心通縱說得分明 龜山楊氏曰定夫學易亦恐出他荆公未得荆公於 及汝輩可師之更不出虎皮也是 語尹 和 **人易粹言** Đ 横渠乃歸陝西

多也自孔子删定繁作之後更泰漢以迄于今其書 等須打不過不必問他〇自堯舜以前載籍未具世 數至今无傳當時何不問他看如何先生日若是公 至不可勝紀人之所資以為學者宜易於古然其間 所有者獨伏議所畫八卦耳當是之時聖賢如彼其 其言不足以垂後矣〇或問正叔先生云部堯夫易 盖己耄則學不復進故也學不復進若猶不可傳是 人者正叔日獨不望學之進乎姑違之覺耄即傳矣 卷

歃

定四庫全書 |

論易 灾心日 · 白 · 白 · 然後可以言易知易然後可以无大過蓋與天地不 宜不待五十言此者欲學者當其可而不躐等也無 注易元不見道但却以老莊之意解說而已季 明道先生曰易中只言反復往來上下解每〇王弼 之所傳因不在於文字之多寡子雖語〇知性知天 干數百年求一人如古之聖賢卒不易得何哉豈道 似則斯為過以與易為一然後无過孔子之學易 大易粹言

甫 作太玄本要明易却尤晦如易其實无益真屋下 先生日然害義理恰限易便只潔靜精微了却得 陽 解亦云儒行誇大之語非孔子之言然亦不害義 便不是純陰〇禮記儒行經解全不是因舉品 且定陰陽之數豈便說得義理九六只是取純陰 以為進君子而退小人則是聖人旋安排義理也 川先生曰先儒以六為老陰八為少陰固不是介 惟六純陰只取河圖數見之過六則一陽生 與

卷首

理而後有象有象而後有數易因象以知數得其義 易之義本起於數程子答曰謂義起於數則非也有 雖作十支亦可況一支乎劉元承〇張閎中以書問 夫之數似玄而不同數只是一般但看人如何用之 太女之作何如曰是亦賢矣必欲撰不如明易部堯 玄亦須要尤難明亦得只是不濟事並 雖有合只是无益今更去易中推出來做一百般太 錄楊 遵〇或問

架屋林上疊林他只是於易中得一數為之於歷法

文E日奉 A ALT

ヒる卒

易也〇命之曰易便有理云道理皆自然若安排定也不要將易又是一箇事即事作以是盡天理便是 則更有甚理天地陰陽之變便如二扇磨升降盈虚 尋流逐末術家之所尚非儒者之所務也管輅郭璞 5世屋白雪 | 之學是也又曰理无形也故因象以明理理見乎辭 則象數在其中矣必欲窮象之隱微盡數之毫忽乃 說○ 易是简甚易又不只是這一部書是易之道 則可由解以觀象故曰得其義則象數在其中矣

於至日華 全書 易如律春秋如斷客詩書易如樂方春秋如治法泰 時者也故知易者莫若孟子順為〇詩書易言聖人 之道備矣何以復作春秋盖春秋聖人之用也詩書 至理在孟子即是氣蘇〇孟子曰可以仕則仕可以 之情也東見 既行齒都不齊既不齊便生出萬變故物之不齊物 止則止可以久則久可以速則速孔子也孔子聖之 剛柔初未當停息陽常盈陰常虧故便不齊譬如磨 録ゑ○四端不言信信本无在易即是 大易粹言

機否伊川日如 易數甚精自來推長歷者至久必差惟堯夫不然 理也至著者象也體用一源顯微无間莫太洩露 從道也拾造〇尹和靖當以易傳序請問日至微者 得於師傳也於量日郭忠孝議易傳序曰易即道 也又何從道或以問伊川伊川曰人隨時變易為 拾〇子夏易雖非卜商作必非杜子夏所能為必 得看 已得 言如 耳甚 為善 此分明說破猶自人不解悟 忠吕 卷首 恕坠 記中 尹錄 語川 日 〇邵堯夫 云祁 伊寬

甚處起伊川云起處起堯夫愕然他日伊川問明道 因說今年雷起甚處伊川云堯夫怎知某便知又問 夫驚撫其背曰大哥你恁聰明伊川謂堯夫知易數 堯夫之數只是加一倍法以此知太玄都不濟事堯 弟那得功夫要學須是二十年功夫明道問說甚熟 為知天知易理為知天堯夫云須還知易理為知天 日因監試无事以其說推算之皆合出謂堯夫日 ていかな十上の

二近事當面可驗明道云待要傳與某兄弟某兄

鉑 樂示子安子安由此遂服和資記尹〇言有无則多 有字言无有則多无字有无與動靜同如冬至之前 日待他問時只與嘿然得似箇子安更喜權也先生 當時悔不更問此畫從甚處起和靖以告伊川伊川 子安无語後至洛中子安樂以告和靖先生且日某 處起時方揮扇伊川以扇柄畫地一下曰從這裏起 曰加倍之數如何曰都忘之矣因歎其心无偏繫太 定四庫全書 錄○伊川自涪陵歸過襄陽楊子安在馬問易從甚 老首半

钦定四車全書 一个 造化則將何謂之性命也大易不言有无言有无諸 子之陋也人雖信此說然不知能以何為有以何 義包天道變化〇 易非止數春秋大義不止在元〇 横梁先生日易乃是性與天道其字日月為易易之 之无動可乎但人不識有无動靜耳 之无如人之言曰自然而鮮有識自然之為體〇有 不見易則不識造化不識造化則不知性命既不識 大易粹言 ナニ

天地閉可謂靜矣而日月星辰亦自運行而不息謂

者自修使人觀己以化也如顏子大率私淑艾也以 能問於不能以多問於寡有若无實若虚但修此以 不累其迹知足而不賊則於易深矣一本云深 兼而不偏舉也无則氣自然生氣之生即是道是易 之為義有已往有方往臨文者不可不察〇私淑父 言性不識易識易然後盡性蓋易則有无動靜可以 在易則是至理在孟子則是氣並易〇潔靜精 心即是易造化也心又馬能盡易之道〇釋氏之 往

文 包回車全書 或使之然者陰陽不測之類也己方虚心以鄉 成故也至於聖人神道設教正己而物正皆是私 成於文以占之其辭 〇人於龜策无情之物不知其將如何惟是自然莫 物蕞然異矣人能盡性知天不為蕞然起見則幾矣 坤 陰陽二端而已无內外之合无耳目之引取 於此化於彼〇天包載萬物於內所感所性乾 大易粹言 如何取以為占聖人則又於 十四 之卦 與 陰

教人顏子當以已德未成而不用隱而未見行而未

龜山楊氏曰楊雄作太玄准易此最為誑後學後之 於命盡人物之性然後耳順與天地察无意之固我 陽不測處以為占或於夢寐或於人事上之然聖人 然後範圍天地之化從心而不踰矩老而安死然後 於卜筮亦鮮蓋其為疑少故也〇窮理盡性然後至 不夢周公並 徒見其言艱深其數汗漫遂謂雄真有得於易故 敢輕議其實雄未當知易〇易言利見利用而終 JE.

卷首

義大抵道適變則可用可用則通久而為易未適變 變其用不窮之義經曰易窮則變變則通通則人盖 而易能有而用之者包養文王之力也是故易者用 謂今之周易乃孔子所傳文王易也〇易者體常盡 則不可用非易也太極之道也太極之道初不可有 言常道之窮以繼之以變是以通久故易以變通為 白雲郭氏日上下二經自序卦已分其來尚矣傳者 大易粹言

不言所以利故孔子罕言利雖語

耳因其畫之重之名之故為作易之聖人作易者作 而易名始於文王卦也易也聖人能畫之重之名之 立文王重之為六十四之後然後易之名出馬易之 變而通之然後盡其利是以論其道則未始繫於聖 名出然後謂是道為易之道也是則卦名始於包養 也用道之書也舉而用之大小不同斯則在人然必 人及書之有无惟聖人憂患後世之深恐不復聞也 明其道而載之於此自包養氏畫八卦而卦之名

歃

定四庫全書

卷首.

是書也是書之道具於未有天地之初非包養文王 義也故孔子曰我欲觀殿道是故之宋而不足徵也 者時未有易之名故也連山以艮為首主名山川禹 别夏商二代夏日連山商日歸藏而不名日夏商易 所能作也後世聖人又因文王之易以周題之所以 以服事商之道也故繁辭首曰天尊地早乾坤定矣 吾得坤乾馬周易以乾為首文王三分天下有其二 之功也歸藏以坤為首成湯點夏命造攻自鳴條之 大易粹言 十六二

明 首坎離陰陽之成質故為上篇之終咸恒夫婦之道 言性之可贵與言性善其實一也性之德者言性之 者乾道也敬以直内義以方外者坤道也〇德性者 早高以陳貴賤位矣此繁文王周易之辭也哉 伊川先生日乾坤天地之道陰陽之本故為上篇之 所有如卦之德乃卦之韞也並 明道先生曰忠信所以進德脩辭立其誠所以居業 訓劉 絢 易

欽定四庫全書

卷首

之交合而交則生物陰陽之成功也故為下篇之終 陰長陽利也以文言則陽極於上又一陽為衆陰主 或以卦或以爻卦與爻取義有不同如剝以卦言則 也如大肚以卦言則陽長而肚以文言則陰盛於上 之分則以陰陽陽威者居上陰威者居下所謂威者 用各於其所不相害也乾又也莫亢馬坤母也非乾 二篇之卦既分而後推其義而為之次序卦是也卦 人易毕言 トヒ

生育之本故為下篇之首未濟坎離之合既濟坎離

謙豫比復剥也其餘有坤者皆在下篇晉明夷萃升 陰而一陽則一陽為之主故一陽之卦皆在上篇師 有无妄大畜也有坤而在上篇皆一陽之卦也卦五 篇而復陽生臨陽長觀陽盛剝陽極則雖有坤而居 下其餘有乾者皆在上篇泰否需訟小畜履同人大 上姤陰生遯陰長大壯陰盛夬陰極則雖有乾而 无與為一天敵也故卦有或者居上篇有坤者居下 一陰而五陽者皆有乾也又陽泉而盛也雖自

鉑

定四庫全書

陽說於一 陰過之卦也亦在下篇其餘二陽之卦皆一陽生於 同人大有也卦二陽者有坤則居下篇小過雖无坤 於中也達於上謂一陽至一作上或得正位也生於 順習坎也陽生於下謂震坎在下震生於下也坎 下而達於上又二體皆陽門之盛也皆在上篇屯蒙 陰為之主非也故一陰之卦皆在上篇小畜履 陰說之而已非如一陽為衆陰主也王弼 ,作達陽之暢盛也陽生於下而不達於下

大易空言

矣陽居上下則剛紀於陰順是也陰居上下不能主 盛者大過也離也大過陽過字盛於中上下之陰弱 陰者有乾則陽盛可知需訟大畜无妄也无乾而為 也以文言則皆始愛微也而震之上艮之下无陽坎 制於陽而反弱也必上下各二陰中惟兩陽然後為 又陰眾而陽寡復失正位陽之弱也震也解也上有 陽陷皆非盛也惟習坎則陽上達矣故為盛卦 而下无陽无本也艮也蹇也震攻艮以卦言則 卷首

釤

灾

四庫全書

· 定日華 全書 而陽為陰所陷溺也又與陰卦重陰盛也故陰陽敵 陽居長陰上貢少男在中女上皆陽盛也坎雖陽卦 陰威也皆在下篇家人联革鼎巽免中字也卦三陰 而有坎者皆在下篇因并海節既濟未濟也或曰 之序天地之大經也陽少於陰而居上則為勝盡少 皆陽陰實麗馬陽之盛也其餘二陰之卦二體俱陰 三陽者敵也則以義為勝陰陽尊早之義男女長少 大易粹言

勝小過是也大過小過之名可見也離則二體上下

日柔得中而上行長陽非少陰可敵以長男下中少 皆在下篇咸益漸旅困海未濟也惟隨與噬嗑則男 歸妹豐皆在下篇女在男上陰之勝也凡女居上者 常未為盛也若失正位而陰反居尊則弱也故恒損 下女非女勝男也故隨之彖曰剛來而下柔噬嗑彖 有坎陽為陰所陷又重於陰也二體皆坎陽生於下 達於上又二體皆陽可謂盛以男在女上乃理之 有坎尚為陽陷二體皆坎反為陽盛何也日

陽威之至也中字二體皆陰卦上下各二陽不成本 也乃二少相感点能以相與所以致陵也故有利自 陽之中而不為陽威何也曰陽體實中字中虚也然 也小過二陽居四陰之中則為陰盛中孚二陰居四 之誠困雖女少於男乃陽陷而為陽揜无相下之義 下為弱咸益之類是也亦有下女之象非以長下少 女故為下之若長少敵勢力作則陰在上為陵陽在 順中四陰不為虚乎曰順二體皆陽卦而本末皆 **大易粹言**

六十四乎出些中記○乾聖人之分也可欲之善屬 馬坤學者之分也有諸已之信屬馬其錄〇或問劉 能盡也既坐伊川復日子以為何人分上事對日聖 牧言上經言形器以上事下經言形器以下事曰非 末之象以其中虚故為中字陰盛可知矣傷〇尹 十四卦三百八十四爻後世尚不能了乾坤二卦豈 人分上事曰若聖人分上事則乾坤二卦亦不須況 靖見伊川問易乾坤二卦斯可矣伊川曰聖人設六

飲定四庫全書

宣持四卦如屯蒙師比皆是相交 箇生人之生於男女即是天地之生安得為異〇問 天地生萬物下經是男女生萬物曰天地中只是 也上經言雲雷屯雲雷豈无形耶曰牧又謂上經是 下經四陰四陽相交是否曰八卦已相交了重卦只 牧以下經四卦相交如何日怎生地交若論相交 理有相反者有相生者文愛則義變也下來 題 劉牧言两卦相比上經二陰二陽相 倒卦之序皆有 Ŧ

欽 定四庫全書 同也不知敢坤外甚底是六子譬如人之四肢只是 何看水離物不得故水有離之象火能入物故火有 日陰陽之精互藏其完然乎日此言甚有味由人 心通只如此窮文義徒費力並附劉元〇或問張 取二象相交為義豈又於卦畫相交也易須是點識 横渠先生曰周南名南如乾坤 之家始 耳學者大惑也雜 遗〇今人說六子是乾坤退居不用之時 録○周南名南如乾坤

為善睽乖也又言天地联而萬物通男女联而其志 者如云習坎重險也又言天險地險王公設險則險 變耳惟相錯則其變出於自然也〇了前說易多以 得八卦所以可變而為六十四者只為可相錯故可 字貫衆義如何曰易卦用字有如此者有不如此 則非為善蓋一字两用字非此類則不可如師是 大易粹言 テニ

定却三方九州二十七部八十一家不知如何相

龜山楊氏曰揚子雲作太玄只據他立名便不是

始畫八卦其意若曰是道之一列而有三如是而 之時天道勝人人知有天而不知其他也故包養氏 則生生无窮故自簡至繁是為人事必然之理上古 不勝其繁者蓋惟天地有萬古不易一定之體而 有意於其間時馬而已書契之作始自八卦而後世 白雲郭氏曰皇之道簡於帝帝之道簡於王非聖人 如是而地如是而人天道主覆故畫於上地道主部 旅之師豈可說為師友之師 錄並

欽

定四庫全書

成輔相之道而配天地馬者包養畫針之道也然天 極名易而實存也非若三才之分太極名實俱易矣 也混而為一復於太極故名日卦然則卦者太極之 道不以人微而小於天地故三畫皆無差殊要其至 道不以天高而大於地地道不以地廣而大於人人 是以聖人經以三才而太極亡緯以八卦而太極復 耳或八或六十有四曰道曰事大小不同其於太

Corps of Ton

大易粹言

テニー

故畫於下人道則成輔相故畫於中於是自任以財

兑為八卦之名與八者之名所以總謂之卦者凡 矣非天下之至聖其孰能與於此〇八卦之時天道 天下後世以之脩身齊家治國治天下始可得而議 方其混然一成物真能破人安得而用之及乎包養 純全故其名卦必備三才之義曰乾坤震巽坎離 判而三之離為八文王重而六之離為六十四然後 以太極為易之體而易者用太極之名太極之道 一緯而六十四象由之以備天下之能事畢矣

鉑

定匹庫

钦定四車全書 字不可以常義膚淺訓釋盖出於上古之言文王孔 易通而卦之為義難得卦也畫也象也蓋自道而 健坤順震動巽入終莫能完其義而後世或謂卦者 子能通之者也雖因孔子以卦之才德言之知為乾 變為畫因畫而成象畫象具而為卦使萬世之下復 由卦以知象由象以知畫由畫以明道此聖人之意 也然終莫知上古之時卦為何訓乾坤八字出於包 也其言如此豈能盡聖人之意哉大抵易之為義 **大易粹言**

時畫字具有六十四卦之畫即六十四卦之字後世 有聲而無畫包儀之時有畫無字三即乾也文王之 畫八卦而已而文王重卦又何疑馬〇包儀氏之前 能通也上古中古之名於是較然可見則知包養之 寫時事命名不一皆可考而知盖中古之言後世所 意義訓釋其卦名或具三才或在人物或以道德或 議計之一字出於包議之後聖人名之其餘五十六 卦及易與元亨利自皆命於文王凡六十一名可以

地人之三而其道一故三畫而成一卦畫有奇偶故 亦知地道人道之一也是以三奇為乾而地道存馬 得於天而明天文王之重得於人而明人得於天者 加損益也天以是示之因以是明之耳故包養之畫 有乾坤窮則盡變故有六子乾坤六子包養初不能 得於人者知太極生天地天地生人有天而无地人 三偶為坤而天道具馬一奇一偶然不可以成卦也

以字易明故於畫之下重字以明之且包養氏以天

九三日華全書 一

大易粹言

二十五

下二卦别而言之如此合六爻而言之則三四皆人 君文王之重為地地臣道也故二之在人為臣以上 卦之義且包議之畫為天天君道也故五之在人為 着者分而為二以象兩然後掛一以象三盖因於重 两之然後人因天地以生矣此文王重卦之義也提 无得而生也故以包儀之畫在上為天文王之重在 有形人得天之氣以生得地之形以成必兼三才而 下為地天地設位而後聖人成能於中且天有氣地

完 三 3 三 二 中力究兼山之學立身行道皆自止始雍不肖不能 未見立言伊川先生當言之亦未明者其說至先太 成章雖易〇先太中日豫者知所止之謂也詩云綿 之有說也且止之義出於易之民横渠先生得之而 蜜黄鳥止于丘隅盖言知所止也至哉斯言前人未! 終始之而已然終始之亦位也故日六位時成六位 其中文不備故盡人事之變以二三四五為主初上 大易粹言

道也是之謂中文繫辭曰雜物撰德辯是與非則非

明文 率上一文皆是師保之任足以當此一文也〇或問 者自有學者用君有君用臣有臣用无所不通〇大 自有聖人用賢人自有賢人用衆人自有衆人用學 伊川先生日看易且要知時凡六文人人有用聖人 解 之足以豫天下事物之理雖聖人之中庸亦止也 脩先人學獨於止之為義所不敢廢觀乎此又知止 灰匹库全書 卷首

貳亦不害但不要拘一若執一事則三百八十四文 只看如何用當儲貳則做儲貳使九四近君便作儲 只作得三百八十四件事便休也〇介甫以武王觀 天命未絕便是君也為人臣子豈可以兵脅其君安 兵為九四大无義理兼觀兵之說亦自无此事如 日天命絕則今日便是獨夫豈容更留之三年今日 先生解九四作太子恐不是卦義先生云亦不妨 · · · ○大抵卦文始立義既具即聖人别 大易粹言 すせ

独也 辭不得只如乾坤兩卦聖人當釋其義於後是則解 龜山楊氏曰吳審律儀勘解易曰易難解曰及今可 其道者聖人也得失則吉凶存馬豈持乾哉諸卦皆 得全别一般事便書得别有意思若依前例觀之殊 以致力若後力衰却難曰某會觀聖人言易便覺措 失之也母母〇或問乾之六文皆聖人之事子曰盡 起義以錯綜之如春秋已前既已立例到近後來書

飲定四庫全書

卷首

龍德而隱者也又曰下也又曰陽氣潛藏又曰隱而 易之法也乾之初九潛龍勿用釋云陽在下也又曰 後已今之釋者其於他卦能如是推明子若不能兩 未見行而未成此一爻耳及覆推明至五變其說然 之用不止於一事亦明矣觀聖人於緊解發明卦義 果極於此乎若三百八十四事不足以盡之則一女 事則是其用止於三百八十四事而已如易所該其 則一文之義只可用之一事易三百八十四文指一 大易粹言

A 45

一面定四月在生 齊此大業之所由生也易以文為人以位為時均言 兼山郭氏曰乾炙既釋此四德矣而文言又三復之 尚多其說果如今之解易者子故某當謂說易須髮 乾坤者尊早之叙六文者貴賤之等也故一尊一早 **蘇聖人之意然後可以下筆此其所以未敢的也語** 何也凡言人道也非特此也而六文之叙亦如之盖 貴一賤成之者有厚薄居之者有得失參差之不 也而德則不同均言時也而才則不同是以或言 卷首

成之以德則天道人事與夫貴賤得失一歸之乾夫 是以序高早到貴賤究觀其所遭遇則殊換之以道 君道或言聖人或言人事或言大人此义不得不異 之天地未判无九六六位之别文王重卦之後然後 天地判而有九六人道成而著六位此周公明六文 白雲郭氏曰包議氏畫卦之始其畫雖具三才而卦 何間之有認 之義也何謂天地判而有九六繁辭曰天一地二天 大易粹言 一十九

著之法老陽三十有六樣以四象而得九老陰二 义文王重卦之後天地上下二卦既具而後九六可 六為坤爻二十四為坤策此後世聖人行九六之道 有四樣以四象而得六故九為乾文三十六為乾策 也天本乾故乾稱九合二四為六地數也地本坤故 包養肇三才之微獨畫天卦方知三才為一道故 稱六此列六文之後聖人稱九六之旨也是以 四天五此天地之生數也合一三五為九天數 揲

金欽

定四庫全書

東京至事金書 是則有畫而後可重重而後有九六有九六而後有 道也此聖人者六文之義也繁辭曰二多譽四多懼 畫之後聖人道在成能欲用於天下萬世故捨天地 之治同天之載而周公禮樂法度粲然具備者盡人 而獨明人道是以六文皆人位其辭皆人事故文王 也何謂人道成而著六位一卦之象雖備三才而六 三多山五多功此後世聖人以人道明六文之說也 生馬九六既生而後大行之法立此聖人作易之序 大易粹言 三十

六位有六位而後可繫辭录象文言故方畫重九六 重之非包樣也三王之道也使文王文之非文王也 聖人列於文一聖人垂其教則道无餘為矣使包儀 傳其教者孔子也故必一聖人畫之一聖人重之一 然前乎周公畫卦之時文具於畫不復重見也至周 為主人道至此而後明矣此四聖成始成終之道也 之際皆統明三才及六位繋辭录象之後一以人道 公列之於下而擊以辭馬易於是始備矣而明其道

明十翼 始包養象三才之道文王盡三才之義周公列三才 之事孔子者三才之教皆隨時之義也然孔子之於 周公之道也聖人隨時之義蓋不然矣固自太極之 伊川先生日卦下之一五解為表子從而釋之通 故古人獨稱三聖者以此影 文王猶文王之於包養也周公持終文王之一事耳 录 大易粹言 <u></u>

飲定四庫全書 孔子之录正論一卦之象及釋文王之辭非孔子之一 以孔子不當自言觀子录辭則思過半也此大不然 半矣場 大而健是也乾之录言大健之義也故觀乎录解則 也乾之象六音是也乾之表言六音之義也乾之才 白雲郭氏曰繁辭曰录者言子象者也又曰录者才 謂之录录者言一卦之義故知者觀其录辭則思過 卦之義思過半矣然先儒以文王卦辭為录辭蓋

录本以垂法後世欲學者先盡心於柔然後可明重 卦之象及通文王之辭則思過半之言乃孔子自明 觀孔子录解然後一卦之義有思過半之理孔子作 伊川先生日卦下泉解一卦之象文下泉解一文之 作录之意及示學文王易之要法也說 大易粹言 三十二

录則卦象與文王辭不可通矣盖文王之辭旨意深

隱出於憂患之言雖使知者觀之豈能思過半哉必

法 錄語 意盖以易之意不可得而盡故有象以盡之也意不 白雲郭氏日繁辭曰易者象也又日聖人立象以盡 得名非得象者也故語道至於不能象則名言亡矣 横渠先生曰形而上者得意斯得名得名斯得象不 泉諸卦皆取象以為法傷〇易之有象猶人之守禮 可盡徒玩其辭皆空言耳如是則不可以訓天下後 蒙正

四月石豆

象以卦為主六位剛柔之象以文為主孔子之象以 六文王之象也次為六位剛柔周公之象也在乾則 義四聖人之象不同卦之三畫包養之象也重之為 謂之象然則使斯道之可見者无非象也故象非一 求之文文有不能盡者求之卦則易之意无餘蘊矣 辭為主所主不同其為盡意一也故辭有不能盡者 自天行健至於天德不可為首孔子之象也三六之 世而作易之道絕矣此聖人立象之旨也經曰見乃

大易粹言

嘗盡入卦中則非費氏明矣孔穎違言孔子象辭在 录象繫辭十篇文言解說上下經觀今之易十篇未 而知易者如首腹馬牛之類或時可忘此象之末者 牛有乾坤之象者也非乾坤之象止於天地馬牛而 然則象也者豈為天為地為馬為牛而已乎天地馬 始王弼為注亦用录象相雜之經考費氏傳曰徒以 已也故知易之為書其意其辭皆由象出未有忘象 也〇歐陽文忠公言录象文言雜入卦中者自費氏

鱼

匹庫全書

卷首

欽 定四庫全書 言終莫可考並易 附近其義易剛故分文之象辭各附其當文下言之 明其義推乾之道施於人事傷 伊川先生曰他卦录象而已獨乾坤更設文言以發 象固己先在卦中弼又雜之文中也其灵與大象文 猶如杜元凱汪左傳分經之年與傳相附觀此則小 六爻經辭之後及王輔嗣以為象者本釋經文宜相 文言 大易粹言 三十四

白雲郭氏曰易有录所以明成卦之才有象所以盡 終不可盡學者觀乾坤二卦文言觸類而長之可也 录泉智之可及也孔子曰舉一隅不以三隅反則不 乾坤二卦者言辭在聖人道之易明者也學者考諸 説易 復又謂賜也告諸往而知來蓋有不勝其言者言之 作易之意又為之文言所以釋一卦之辭然獨著於 繋辭

之不可揜如此夫是豈不同 言而信存乎德行中庸亦曰思神之為德其威矣乎 視之而不見聽之而不聞體物而不可遺使天下之 繁辭雖從天地陰陽鬼神言之然卒曰點而成之不 詩曰神之格思不可度思别可射思夫微之顯誠 齊明盛服以承祭祀洋洋子如在其上如在其左 說○或問繁辭自天道言中庸自人事言似不同 Ą 大易粹言 錄絢 **三** 五

明道先生日聖人用意深處全在繁辭詩書乃格言

易正猶不知禮而學春秋也緊解所以論易之道既 知易之道則易象在其中故觀易必由緊解獨說九 〇欲觀易先當玩辭蓋所以說易象也不先盡繁辭 卦之德者蓋九卦為德切於人事○易象繁之以辭 則其觀於易也或遠或近或太艱難不知繁解而求 惟在明易所以為易撮聚衆意以為解欲曉後人也 易義以成之亦是人道之大且要者也〇緊辭反復 横梁先生日繁辭所舉易義是聖人議論到此因舉

欽

定四庫全書

戒。说此 辭者蓋卦辭爻辭文王周公之繁辭也此上下二篇 繋辭也故孔子曰繋辭馬以斷其古凶繋辭馬以盡 者於卦既已具其意象矣又切於人事言之以示勸 其言則卦爻之辭皆是也今獨以此上下二篇稱緊 為諸卦之統要與家象文言之辭異故獨曰繫辭所 孔子之繁辭也又於十翼之中獨此二篇泛論大道 白雲郭氏曰包養畫卦初无繁辭文王孔子之言皆 大易粹言 ニナ六

欽 定四庫全書 章所未盡至存乎德行則易道備矣下篇復起其強 盡者非聖人孰能與此哉微此則易道絕矣〇何氏 是以分之令觀上為自天尊地里至存乎德行為章 論易之小理孔題達言上下无異義直以簡編重大 謂上篇明无下篇明幾或以上篇論易之大理下篇 通而神无思而精皆录象文言序卦説卦之所不能 相次事理大小皆有係理不可紊亂次章之言皆前 以尊崇孔子之辭與文王等也觀其言廣大而備變

大 配 日 車 私 書 · 大易粹言 前後相次復如上篇是則初為二篇非後人妄分也 續者皆豈能拘以二十一章也〇上篇所言多易道 章然章有甚大甚小有可分者似不止此二十一章 終粗顯之說又不可不明之者則上下二篇略有辨 之大者與其精微神變之用下篇多卦義及上所未 故有文意未斷而章分有才一二句而文意斷不相 〇諸儒分章不一孔題達定以上篇十二章下篇九 也且上篇言天尊地早前坤定矣早高以陳貴贱位

之小事然貞觀負明特引天地日月以明吉山自勝 之辭非在易之義又不若廣大配天地變通配四時 確然示人易矣夫坤隤然示人簡矣也孔類達謂天 易簡而天下之理得以其有是言故下篇可言夫乾 地之道真觀者也日月之道負明者也此豈復為易 矣以其有是言故下篇可言八卦成列象在其中因 而重之爻在其中也上篇言乾以易知坤以簡能至

陰陽之義配日月易簡之善配至德易之道也觀此

釒

言乎天地之間則備矣斯其所以難言也數故曰書 是也其象不可盡言故於是數卦器明之繁辭曰以 录象雜卦之中矣至萬物象類如履之為虎漸之為 鴻中字之鳴鶴小過之飛鳥井之為井鼎之為鼎皆 然則六十四卦亦有是子蓋六十四卦各具於文言 數義則二篇精粗器可見矣並易 白雲郭氏曰説卦論八卦之道德與其象義情性也 説卦

1

大易粹言

金 斧可知哉並易 有意思觀聖人之書須布過細密如是大匠豈以 求審處況聖人之於易其問雖无極至精義大縣皆 无足疑序卦不可謂非聖人之蘊今欲安置一物猶 横渠先生曰序卦相受聖人作易須有次序〇序卦 不盡言 伊川先生日序卦非易之縊此不合道韓 定匹庫全書 語康 銀伯


詳矣雖出於變象豈无其序哉故聖人所以序之也 中字小過八者是也此盖卦變反對之象先天之學 變覆者表裏視之遂成兩卦屯蒙需訟之類皆是也 卦於此八卦序包儀之道六十四卦序文王之道也 變者反覆惟成一卦則變以對之乾坤坎離大過順 八卦之序有二帝出乎震一章八方之序也乾天也 章成卦先後之序也先序八卦於上故序六十四


At date

大易粹言


白雲郭氏曰孔顏達曰六十四卦二二相耦非覆即

· 一一一一一一一一 序三才八卦之道纖介不遺而言易者尚或滯於空 方斯學者所宜深戒也易 言而乖亂正道或溺於術數之用不明三聖人之大 者可見有耳者可聞亦云至矣於是又為之說為之 道至難明也聖人判之為三才離之為八卦使有目 白雲郭氏曰卦之情性與其為德之不同八卦則見 於說卦六十四卦則見於雜卦孔子於包議之道詳 卷首





第二十七頁後七行便覺措解不得列本便訛使 謹案第七頁後一行窮理莫只易是捷徑刊本捷 今改 批截今改





校

對官編 一底古士臣 修臣

張 能

莫

監

生臣

欽定四庫全書管要 失易群言卷一

詳校官祭酒臣幸無恒



欽定四庫全書舊要卷一百十四經部 たこうき 言之則以形體謂之天以主宰謂之帝以功用謂之 息之謂乾夫天專言之則道也天且弗達是也分而 天也天者乾之形體乾者天之性情乾健也健而无 大易粹言卷 **他重之以盡天下之變故六畫而成卦重乾為乾乾** (川先生曰上古聖人始畫八卦三才之道備矣因 大易料言 方開

盆 横渠先生曰不曰天地而曰乾坤言天地則有體 容天地間事語 立此二字以明難明之道易領 道宣有異哉到元承〇乾坤古无此二字作易者特 道也坤地道也便亂說是論其體則天尊地早論其 灾 之始故為天為陽為父為君傳〇後人解易言乾天 神以妙用一元謂之神以性情謂之乾乾者萬物 匹庫全書 則无形故性也者雖乾坤亦在其中矣湯 以毁 意明之 以此 形 言

C A.) To stall to date 乾坤天地人无非一物則是三才陽物皆乾之道故 人道地道而備三才也孔子曰乾陽物也自道言之 為體彰為用夫以乾止於天則乾象當一畫不當有 日乾為天故世之說乾者止於天不得其道又以天 然後三才八卦不一而足而天地人之道或分矣獨 而為八名曰乾坤震異吹離艮兒至文王重卦之後 分卦之名因之不改是以其義特異於諸卦也說卦 大易粹言

白雲郭氏曰包儀名卦必備三才之義故自太極離

乾元亨利真 此義同説 天而名之曰乾也又沉乾坤道也天地物也得是道 而三才萬物之一物不能無乾之象故不得獨名曰 為木果在地在物之乾也以乾能備三才萬物之象 為父在人之氧也為玉為金為寒為水為大赤為馬 說卦曰乾為天在天之乾也為圍在象之乾也為君 而後為物故天得乾之道而為天也八卦之名皆與

釤

定匹庫全書

老

主於正固亨貞之體各稱其事四德之義廣矣大矣 傳○讀易須先識卦體如乾有元亨利真四德缺却 有此四德在它卦則隨事而變馬故元專為善大利 者萬物之長利者萬物之遂貞者萬物之成惟乾坤 一箇便不是乾須要認得楊遵 伊川先生曰元亨利貞謂之四德元者萬物之始亨 已者自也詩曰維天之命於穆不已者自也節詞 明道先生口亭毒化育皆利也不有其功常久而不

九日 車 全書

大易粹言

無山郭氏曰乾道也元亨利身者其德也乾之有是 人得之以成性何莫由斯道也說 與生俱生者也是故氧得之以成道天得之以成歲 會而通亨也說諸心利也一天下之動負也○貞者 之不見其後推本而言當父母萬物〇天下理得元也 横渠先生曰乾之四德終始萬物迎之不見其首隨 四德猶天之有四時人之有四端莫之致而常自然

亨者也利貞者性情也又觀餘卦利北馬之貞利君 是以四德或為二義可也且四德者在卦則合天地 矣盖自易論之乾陽物也坤陰物也由乾之一卦論 子貞之類則疑其以元亨二德為一利貞二德為 人而言之曰元亨利貞在天地人別而言之雖亦曰 秋冬雖為四時由陰陽觀之則春夏為陽秋冬為陰 之則元與亨陽之類也利與貞陰之類也是猶春夏 白雲郭氏曰文言之初言四德後又曰乾元者始而 大易粹言

謂之元亨利貞而卦之元亨利貞不可謂之陰陽不 道仁與義之類是也天地人之陰陽剛柔仁義皆可 柔與剛之類是也人之所謂元亨利貞者如立人之 為天君父得之而為君父園得之而為園木果得之 與陽之類是也地之所謂元亨利貞者如立地之道 才之一物不得以無卦故也是以乾之道天得之而 元亨利貞然天之所謂元亨利貞者如立天之道陰 可謂之剛柔不可謂之仁義者以卦得無三才而三

節定四庫全書

RALD IN A. A.D. 議範 圍天地之道同於太極至矣 認 乾卦六畫之下惟元亨利自四字而 已至周公益 六 易而後世明觀文王之易則知周公之業所謂郁郁 位爻辭六十二字而易道備孔子家象文言成今之 乎文者也亦見文王无聲无臭同於上天之載天不 天下莫能載語小天下莫能破其道一也文王之易 而為木果大小不同其具四者則一而已所謂語大 已文王亦不已之義由文王以觀包議之畫則知包 大易粹言 <u>#</u>

初九潛龍勿用 見升聞時便是乾乾納于大麓時便是躍為奠 隱未可自用當養晦以俟時傷○乾六爻如欲見聖 无形也故假象以顯義乾以龍為象龍之為物靈變 不測故以象氧道變化陽氣消息聖人進退初九在 人曾履處當以舜可見在側陋便是潛陶漁時便是 卦之下為始物之端陽氣方明聖人微若龍之 川先生曰下文為初九陽數之風故以名陽文理

国生

欴 皆大人之事非謂四勝於三三勝於二五又勝於四 典要求也氧初以其在初處下沉聖修而未成者可 也上以居極位畫為亢聖人則何亢之有若二與三 定四事全書 大易粹言 白雲郭氏曰爻辭皆以人道為主龍雖非人而萬物 予不得已也說易 顏子不用潛龍者也孟子主教故須說予豈好辯哉 如此則是聖可階也〇孟子不得己而用潛龍者也

横渠先生日易雖以六爻為次序而言如此則是以

九二見龍在田利見大人 於嚴野二老避於海濱亦皆是道或喻漢祖及後世 皆人道之內又取以象聖人故乾爻稱之乾不為龍 命以位故潛之時宜勿自用伊尹耕於有革傅說隱 聖人之始果行育德未可為時用或時亦未能致聖 人皆潛可也此舜耕稼陶漁之時必至玄德升聞乃 而稱之者龍有聖人之德不必拘以乾象也初始也 隱者皆不足以當潛龍之義影

有在上者在下者奔籲 以同德相應場 明道先生曰九二利見大人九五利見大人聖人固 白雲郭氏曰君子學以聚之問以辯之寬以居之然 以被其澤大德之君九五也乾坤純體不分剛柔而 人言之舜之田漁時也利見大德之君以行其道君 伊川先生曰田地上也出見於地 上其德已著以聖 利見大德之臣以共成其功天下利見大德之人 大易粹言

鱼 者也人臣地道也故見而在田人君天道也故飛而 有必見之理聖人之學也有必行之道舜之相堯伊 後仁以行之至於仁以行之道大成矣故龍之潛也 勿用此二帝三王之所以與也乾德以大為主故不 下之大而赞化育於天地乎君臣俱有大德而小 月其序合四時其吉山合鬼神不如是豈足以有天 在天大人者其道甚大之人也故德合天地明合日 定匹庫全書 | 尹之就湯太公伯夷之歸文王皆利見九五之大人

にこう き とよう 九三君子終日乾乾夕楊若厲无谷 雖處危地而无咎在下之人而君德已著天下將歸 尊顯者也舜之玄德升聞時也日夕不懈而兢惕則 作易之義也傷 伊川先生曰三雖人位已在下體之上未離乎下而 説易 言聖人而曰大人然則聖人之法天法其大而已矣 之其危懼可知雖言聖人事苟不設戒則何以為教 大易幹言

金 白雲郭氏曰三居臣道之尊當與事造業之任故終 日所以為君子者乃行此德之人耳蕭 下不在田中不在人於九三止言上不在天下不 履正居中在此一爻故文言於九四則曰上不在 龜山楊氏白乾之九三獨言君子蓋九三人之位也 以成之於天耳説 灾 四庫全書 而已其曰君子行此四德者盖乾之所謂君子也 渠先生曰聖人神其德不私其身故乾乾自强所

意也就之道堯舜得其大禹得其健雖欲不為帝王 舜稱其不自滿假孟子稱其聞善言則拜皆夕惕之 雖處危地无咎矣若厲者雖危也禹曰予思日孜孜 不可得已故堯舜禹之授受係乎道之自然聖人固 无危溢之患是以九 三位極之君子能朝夕惕然則 之時然天下之理高則危滿則溢必戰戰兢兢然後 日乾乾法乾之健不遑休息此大禹三過其門不入 无心 於其間馬説 大易粹言

九四或躍在淵无咎 時也傳 横渠先生曰處陰故曰在淵 躍惟及時以就安耳聖人之動无不時也舜之歷試 白雲郭氏曰初居下體之下潛之也潛則行而未成 説易 無山郭氏曰或躍者武之也在淵者終之也故无咎 伊川先生曰淵龍之所安也或疑辭謂非必也雖不 説易

5四月全書

飲定日車至書 德修業欲及時居近君之位時其可失乎是以疑於 説易 君矣故二多譽得君也四多譽近君也三多凶危也 也六文之義大率以初為未仕四為已仕二為應君 无在田之位進退惟時固不可躍而進也然君子進 之臣三為人臣尊極之位蓋下卦以漸進而四為近 可進而自躍也可以仕則仕可以止則止所謂或躍 故不可用四居上卦之下猶有淵義雖潛道已革而 大易粹言 +

九五飛龍在天利見大人 横渠先生曰飛龍在天况聖人之至若天之不可陷 德之君也傳 階而升不可勉而至仲尼猶天九五飛龍在天其致 而升也認〇至健而易至順而簡故其險其阻不可 天下大德之人與共成天下之事天下固利見夫大 川先生口進位乎天位也聖人既得天位則利見

たこり 惟九五之得一是以能體之如聖人有作於天下萬 猶之東六氣御青天呼吸風雲震蕩下土及其霽也 而治也〇初非不剛於位則不及二非不中於德則 者言有君必有臣有德必有鄰所以相應相求相 風 測者也以天德而居天位是以謂之飛龍在天也 沈電減了不知其所之反視太虛廓然曾无遺迹 親之而為湯巍巍不可得而名言者也利見大人 山郭氏曰九五飛龍在天利見大人龍者變化而 J. J. . . 大易粹言

舜有大馬則大人莫大於堯舜也然堯以不得舜為 未見其德也並易 全馬獨九五也昔之所謂得一者其是之謂乎所以 過與不及非乾也不中不正非乾也就其中正而純 白雲郭氏曰孔子曰唯天為大唯堯則之孟子曰大 取象乎雅龍也不稱潛躍者徒見其位不可階而升 已憂舜以不得禹皐陶為已憂雖堯舜之大其憂尚 不正三正而不中四不中不正上則過而已亢者也

鱼灰四库全書

上九亢龍有悔 則完矣上九至於亢極故有悔也有過則有悔惟聖 得大人以與者漢唐之際雖其不然然皆權謀變詐 伊川先生曰九五者位之極中正者得時之極過此 天位不可陷而升也故稱飛龍馬二帝三王未有不 如此此九五大人之君所以利見九二大人之臣也 小人之徒争雄竊國而止耳安知所謂利見大人之

AL D MEL AL ALD

大易粹言

過亢説 梅然則龍德莫善於楊而莫不善於亢也亢則貪去 白雲郭氏曰九三過而惕故无咎上九過而亢故有 無山郭氏曰亢龍有悔者位已過中德已過亢是以 自是亢極言君位則易有極之理聖人之分則安有 横渠先生日上九亢龍以卦畫而言須分初終終則 人知進退存亡而无過則不至於悔也傷 而有悔也湯

鱼灾

用九見草龍无首吉 **羣龍謂觀諸陽之義无為首則古也以剛為天下先** 伊川先生曰用九者處乾剛之道以陽居乾體純乎 皆有是道故知進退存亡者其唯聖人乎説 亦以命禹伊尹復政厥辟周公復子明辟君臣之間 凶之道也傳○或問用九只在上九一爻非也六爻 剛者也剛柔相濟為中而乃以純剛是過乎剛也見 大易粹言

位慕夫禄不知進退存亡其悔宜矣堯老而舜攝舜

龜山楊氏曰或問乾坤用九六荆公曰進君子退小 倚数九参天六两地也歸 見不為首六爻皆同 此多有議論少有分明繫詞分明說云參天兩地而 皆用九故曰見羣龍无首吉用九便是行健處天德 則有禍所謂不敢為天下先乾順時而動不過處便 人固非自然之理而正叔云觀河圖數可見何也曰 不可為首言氧以至剛健又安可更為物先為物先

쉷

定匹庫全書|

を一

敢定日車全書 龍坤純陰故曰永貞羣龍无首所以不至於亢永貞 容其於見產龍而容之有餘裕矣夫是之謂大人大 白雲郭氏曰九天德也用天德者編覆包含无所不 無山郭氏曰用九用六獨乾坤有之乾純陽故曰羣 為首為者自為之辭无首者戒其无自為首也是以 首出庶物之際一以无心應之而已象言天德不可 人有容天下之德而无長天下之志至於天下樂推 終故无龍戰之灾此所以異於它卦也說 大易粹言

性命保合太和乃利身首出庶物萬國咸寧 象曰大哉乾元萬物資始乃統天雲行雨施品物流形 大明終始六位時成時東六龍以御天乾道變化各正 乾坤之九六也認 堯无能名舜有天下而 不與文王三分有其二而事 六之道故稱用九用六它卦雜而不純雖有所用亦 馬知此然後盡用九元首之吉也乾坤純備天地九 殷皆无首之道孔子曰天何言哉四時行馬百物生 7. VI 17. []

物資始乃統天言元也乾元統言天之道也天道始 亨也天道運行生育萬物也大明天道之終始則見 萬物一更有物資始於天也雲行雨施品物流形言 德之元猶五常之仁偏言則一事專言則包四者萬 卦之六位各以時成卦之初終也天道終始乗此六 文之時乃天運也以御天謂以當天運乾道變化生 育萬物洪織高下各以其類各正性命也天所賦為 大易粹言

伊川先生曰大哉乾元贊乾元始萬物之道大也四

歃 體天道則萬國咸寧也傳〇雲行雨施是乾道之亨 命物所受為性保合太和乃利貞保謂常存合謂常 却時東六龍以當大事并張 ○維天之命於楊不 處〇大明終始人能大明乾之終始便知六位時成 首出庶物而萬豪亨君道尊臨天位而四海從王者 者保合太和也天為萬物之祖王為萬邦之宗乾道 和保合太和是以利且真也天地之道常久而不已 定四庫全書 巴忠也乾道變化各正性命怨也的

欽定四庫全書 各正性命此謂六文言天道變化趨時者六文各隨 正性命保合太和乃利貞其此之謂乎○乾道變化 大明終始六位時成時乗六龍以御天乾道變化各 且貞孟子所謂終始條理集大成於聖智者與易曰 躬天德而誠行之也精義時措故能保合太和健利 皆始故性命之各正唯君子為能與時消息順性命 被於六十四卦各使成象變言其著化言其漸萬物 横渠先生曰雲行雨施散而无不之也言乾發揮徧 大易粹言

旁通不失太和而利是貞也並正 廣平游氏曰乾曰大哉坤曰至哉大則无所不包至 故不得不以元配坤○六文擬議各正性命故乾德 説並 易 為時各不同○首出庶物萬國咸寧謂不一則乖競 時自正其性命謂六位隨時正性命各有一道理盖 則无所不盡乾之大无方而坤則未離乎方也問 無山郭氏曰乾健也健而不息之謂乾盖天體於上 **象明萬物資始故不得不以元配乾坤其偶也**

彼在天者成象在地者成形是所謂品物流形者也 也大无不包細无不舉是以謂之元也及其用也如 運照知事物之不窮體夫天道之不息者也是故昔 之言易者必三復其道而備言之元亨利貞者何謂 天地之組組男女之構精故有所謂雲行雨施者矣 改周旋而不殆此萬一之所從出也猶人之精神之 有元有亨斯有體有用則不能无推移有推移不 大易粹言 さ

而日月星辰繁馬自古至今一息之不留常行而不

鱼定匹庫全書 才故首言乾元元之在乾猶人之有首也萬物之所 復歸其明者也首出庶物萬國咸寧又以言人之有 貞而復於元亨故四德混而為一乃所以用其光而 東六氣以御之所以成變化正性命保合大和攝利 能无終始而此實大明之所以成六位也乾於斯也 白雲郭氏曰乾之四德元為大元為始彖論一卦 以資始者在此且雲行雨施品物流形天之長育萬 巷

N n.i. o i.al di di.io 正而已各得其性命之正則萬物无一物之不和是 物物而生之大闢資始之户使萬物各得其性命之 成六位矣此周公繁文之義也六位既以時成則聖 乾元終始一卦之道得所謂潛見飛躍各以其時而 物健而亨之道也而乾元則統之聖人知此故大明 九亦各因其時而乘馬此聖人法乾用九之道也故 孔子曰乾元用九乃見天則且乾道之變化也益非 人可以東此而用天道或潛或見或惕或躍或飛或 大易幹言

象曰天行健君子以自强不息 聖人法乾用九之道也故孔子曰乾元用九天下治 也易之家非獨統論一卦之體蓋以人事無明之 之謂保合大和乾始能以美利利天下不言所利者 和之道以寧萬國則首出庶物而萬國咸寧矣此又 而不在彼故法各正性命之道以出庶物法保合太 以此是乃乾之所謂利貞也聖人知乾之利貞在此 伊川先生曰乾道覆育之象至大非聖人莫能體欲 四周白雪

横渠先生曰道行也所行即是道易言天行健天道 是也未能无息而不息者君子之自强也若賴子三 月不違仁是也解庸 廣平游氏曰至誠无息天行健也若文王之德之純 是健及分在諸處不可皆名健然在其中矣問行 道也君子以自强不息法天行之健也傳○乾體便 ~皆可取法也故取其行健而已至健固不足見天 大易阵言 丸

潛龍勿用陽在下也 新定四庫全書 與乾者以天行健而君子自强不息可像之也説 白雲郭氏曰天有乾之象也君子像天與乾者也天 息之謂乎申庸 得之天不已文王亦不已豈非天行健君子自强不 天地之功山川積而得之天之所以為天文王積而 有乾之象者以乾健而天行亦健故也君子能像天 伊川先生曰陽氣在下君子處微未可用也易

見龍在田德施普也 钦定四車全書 得不顧耳九二九三九四至上九皆是時也易 龍盖以其德其時則須當潛顏子與孟子時異顏子 伊川先生回見於地上德化及物其施巴普也傳 白雲郭氏曰在下非獨處微亦陽未動而時未至故 有孔子在可以不顧孟子則處師道亦是已老故不 横渠先生曰顏子未成性是為潛龍亦未肯止於見 大易粹言

終日乾乾反復道也 廣平游氏曰終日乾乾反復於道也反復宜與復卦 伊川先生日進退動息必以道也問○反復道也言 而上可退而下故言反復張釋 之及復同釋終日乾乾行事之時而曰及復道何也 終日乾乾往來皆由於道也三位在二體之中可進 白雲郭氏曰時至而出無善天下膏澤下於民之時

或雖在淵進无咎也 天道造次顛沛必於是也影 白雲郭氏日乾乾自强不息也自强不息則反復皆 益君子之行事雖汲汲皇皇而易簡之理未嘗離也 不容言矣影 之所為確乎能其事而已矣雖有為而未當為反復 矣故有及復道之象若夫聖人作而萬物覩則天德 亦行其所无事而已九三在下體之上將離人而天 大易粹言 主

飛龍在天大人造也 或之亦愿其退而失時故曰進无咎也則 義而義在有為故進亦无咎聖人懼其近而必進故 而言也説 横渠先生曰或躍或退皆可在淵者性退也故指其極 伊川先生曰大人之為聖人人方之事也說 白雲郭氏田四為有位之臣與二同功雖有進退之 伊川先生日量可而進適其時則无咎傳 定四庫全書

鉱

飲定四庫全書 德也聖猶天也若大人學可至也位天德則神神則 也故不可以神屬人而言莊子言神人不識義理也 謂造為至義亦可大人成性則聖也化化則純是天 横渠先生曰乾之九五曰飛龍在天利見大人乃太 君矣而曰大人造也〇九五大人造也造成就也或 又謂至人真人其詞儉窄皆无可取孟子六等至於 不存馬故不曰位乎君位而曰位乎天德不曰大人 人造位天德成性躋聖者耳若天受命首出則所性

九龍有梅盈不可久也 用九天德不可為首也 能久乎説 大人之為説 伊川先生曰盈則愛有梅也易 神則不可言人也並易 白雲郭氏曰大人體乾行健不為小道也故飛龍見 白雲郭氏曰易窮則變變則通通則久亢不知變其

欽 則過矣傷 德也有天德便可語王道新 其强强无不及也處衆則欲長有功則欲伐故聖人 於是戒之益賛於禹曰滿拍損無受益時乃天道其 白雲郭氏曰善用天德者用其大不善用天德者用 伊川先生曰用九天德也天德陽剛復用剛而好先 明道先生曰文王之所以為文也純亦不已此乃天 定四庫全書 用天德者戴説 大易粹言

貞者事之幹也 文言曰元者善之長也亨者嘉之會也利者義之和也 意最可觀此元者善之長也斯所謂仁也人與天地生之為性之性牛之性猶人之性則非也萬物之生 伊川先生曰元亨利貞乾之四德在人則元者衆善 明道先生曰天地之大德曰生天地網温萬物化醇 之首也亨者嘉美之會也利者和合之義也貞者幹 物也而人特自小之何即劉

火 善便與元者善之長同理品與 也夫利和義者善也其害義者不也張 芝日華 全等 一 曰利者義之和以義而致利斯可矣解○可欲之 以言之至如八卦易之大義在乎此亦无人曾解來 事之用也傷○易雖言元者善之長然亦須通四德 禁論夫陰助陽以成物者君子也其害陽者小人 非使人去利而就害也蓋言人不當以利為心易 體坤 認順 得之 闖 語錄〇陰為小人利為不善不可 大易幹言 錄○子罕言 盂

從其類也本乎天者全乎天本乎地者全乎地是以 者謂之義義之和是也得貞者為正為信事之幹是 受之於命然則所謂天爵者吾所固有也得元者謂 謂之人也其人之有德慧術知得之於天進退用舍 言之是或一道也今夫受命賦形於天地之中亦各 之仁善之長是也得亨者謂之禮嘉之會是也得利 也曰乾有天道有人道析而言之則明乎天人合而 無山郭氏曰象既釋此四德矣而文言又三復之何

固足以幹事君子行此四德者故曰乾元亨利貞 君子體仁足以長人嘉會足以合禮利物足以和義貞 嘉之會義之和事之幹非獨人事而已認 白雲郭氏曰元亨利貞固不止於在人者則善之長 為君長之道足以長人也體仁體元也比而效之謂 伊川先生曰君子體仁足以長人體法於乾之仁乃 也君子行此四德故曰乾元亨利貞凡言人道也 之體嘉會足以合禮得會通之嘉乃合於理也不合 大易粹言

鱼灰匹库全書 廣平游氏曰道者天也道為萬物之與故足以統天 横渠先生曰仁統天下之善禮嘉天下之會義公天 禮則非理宣得為嘉非理安有亨乎利物足以和義 下之利信一天下之動說 固足以幹事員固所以能幹事也君子行此四德乃 和於義乃能利物豈有不得其宜而能利物者乎真 仁者人也仁為衆善之首故足以長人猶之萬物發

大易粹言 禮猶之萬物相見於夏而離為文明也義主於刻制 防詳為三十要皆歸於大中而已故曰嘉會足以合 創知而不貞則事不立貞者正而 固也謀之不正則 萬物凋碎於秋而說言乎見也夫事以智謀物以智 故民至於忘其勞殺之乃所以生之故民至於忘其 死益利之實行乎其中矣故曰利物足以和義猶之 而利不生於其間則不和先王之義勞之所以逸之

育乎春而震為長子也大為之制經為三百曲為之

亨利貞説 異議得以屈之守之不固則衆力得以傾之宣事之 幹那故曰貞固足以幹事猶之萬物終藏於冬而成 固故足以幹事此君子行此四德之道也君子行此 言乎艮也君子行此四德則乾道在我矣故曰乾元 四德亦同乾之元亨利貞易 白雲郭氏曰君子體氧之仁故足以長人體乾之嘉 會故足以合禮體竟之利物故足以和義體乾之貞

金定四庫全書 /

違之確乎其不可拔潛龍也 世不成乎名逐世无悶不見是而无悶樂則行之憂則 陽之微龍德之潛隱乃聖賢之在側陋也守其道不 随世而變晦其行不求知於時自信自樂見可而動 明道先生曰樂則行之憂則違之樂與憂皆道也非 伊川先生曰自此以下言乾之用用九之道也初九 巴之私也對所錄

初九日潛龍勿用何謂也子曰龍德而隱者也不易平

横渠先生日孔子喜弟子之不仕盖為德未成則不 知難而避其守堅不可奪潛龍之德也易 者語也○逐世不見知而不悔聖人不為治激之行 也不成名不求聞也養實而已樂行憂違不可與德 外故善世博化龍德而見者也若潛而未見則為己 〇樂則行之憂則違之主於求吾志而已无所求於 可以仕是行而未成者也故潛勿用龍德而未顯者 以求時知依乎中庸人莫能知以此自信不知悔也

| 飲定四庫全書

VI D TOTAL OF BUILD IN 廣平游氏曰龍德而隱故不易乎世龍德而正中故 至馬可謂好學也已並正 不可拔則行一不義殺一不辜而得天下不為矣非 不成乎名者非譽不在物故不見是而无問確乎其 曰善世而不伐不易乎世者用舍在我故逝世无問 者同能○龍德聖修之極也顏子之進則欲一朝而 爾有是夫顏子龍德而隱逐世不見知而不悔與聖 而已不暇及人者也說。用則行舍則藏唯我的 大易粹言

定四庫在1 龜山楊氏曰辟世者若伯夷待天下之清是也非逐 世无悶確乎其不可拔不足以與此〇孔子之門唯 伯夷柳下惠之徒何足以與此若孔子則聖人之時 白雲郭氏曰道與世合則出而見道與世違則隱而 之確乎其不可找於二子見之矣華語 下有道丘不與易也說 不專於勿用也其易世之志未當一日而忘故曰天 淵関子未當任盖隱而未見也樂則行之憂則違

堑

九三日華至書 幾乎中庸明聖人潜龍之義故先舉素隱終言逝世 其所可樂達其所可憂此顏子所以不改其樂而人 善其身者也不見是而无問人不知而不愠者也行 无道則愚豈不易乎世不成乎名者蘇逐世无問獨 顏淵見其進未見其止不改其樂而无私悔其始庶 見是而无問其龍德之隱者乎非吾夫子轉克之哉 替惟有德者能之古之人那無道至死不變又曰那 不堪其憂也號〇且聖人依乎中庸也逐世无問不 大易粹言

博而化易曰見龍在田利見大人君德也 者也庸言之信庸行之謹照邪存其誠善世而不伐德 九二曰見龍在田利見大人何謂也子曰龍德而正中 雖替之中所不可廢當遵而行之者中庸之道也庸 德正中之義庸信庸謹造次必於是也既處无過之 解 伊川先生曰以龍德而處正中者也在卦之正中為 地則唯在開邪邪既開則誠存矣善世而不伐不有

其善也德博而化正已而物正也皆大人之事雖非 箇善一箇惡去善即是惡去惡即是善譬如門不出 是两事然亦只是一事閉那則誠自存矣天下有 君位君之德也傳〇敬是閉邪之道閉邪存其誠雖 是外面捉一箇誠將來存著令人外面沒沒於不善 退與人交接之際而已矣的緣〇附那則誠自存不 誠閉邪則誠自存而附其邪者乃在於言語飲食進 便入豈出入外更别有一事也事為不多日閉那存其 大易粹言

於不善中尋箇善來存著如此則豈有入善之理只 則自然生敬敬只是主一也主一則 是開邪則誠自存故孟子言性善皆由內出只為誠 便存開邪更看甚工夫但唯是動容貌整思了 之西 如何 内存此則自然天理明〇閉 如是則只是中既不之此又不之彼如是則只 則不消言開邪有以一為難見不可下工 作一者无它只是整齊 7 那則固 既不之東又不 則心便 矣然

灾 斯開矣品 横渠先生曰庸言庸行盖天下經德達道大人之德 巴日華白香 一 自然明〇開邪存誠開邪則誠自存如人有室藩牆 施於是者溥矣天下之文明於是者著矣然非窮 不修不能防冠冠從東來逐之則復有從西入逐得 人一人復至不如修其藩牆則冠自不至故欲閉 語錄 〇如何是開邪非禮而勿視聽言動邪 則自是无非僻之好此意但涵養久久則天理 錄與 大易粹言

善其身自化也無善天下則是化物也知化則是德 前後也〇德博而化言化物也以其善世即是化也 見其止故擇中庸得一善則拳拳服膺數夫子忽馬 敢以方體之常安吾止也○顏氏求龍德正中而未 此顏子所以求龍德而正中乾乾進德思處其極未 化之神以時措之宜則或陷於非禮之禮非義之義 化聖人自化也化之况味在學者未易見馬但有此 THE AN INTE

其誠也有善世之功而不自伐故天下莫與汝争功 變則化之序也庸言之信庸行之謹言行之見者安 廣平游氏曰出門如見大實使民如承大祭則亦開 行之也唯正故能開邪唯中故能存誠開邪所以存 見而在田故孔子言其龍德之者見者由二文以觀 白雲郭氏曰初九潜而勿用故孔子言其隱德九二 邪存其誠而已語 之中庸所謂誠則形形則著著則明明則動動則變 大易粹言

子進德修業忠信所以進德也修辭立其誠所以居業 上位而不驕在下位而不憂故乾乾因其時而惕雖危 也知至至之可與幾也知終終之可與存義也是故 九三曰君子終日乾乾夕惕若厲无咎何謂也子曰君 쉷 龍德正中之事中庸之聖人也解庸 有正中龍德博而物化故能盡性盡人物之性豈開 那存誠之所致敏君之德正中而已九二所謂咸有 定匹庫全書 德者也說○庸言之信庸行之謹開邪存其誠此

其左右大小人事而只曰誠之不可揜如是夫徹上出治然之氣可謂盡矣性作故說神如在其上如在 對越在天也盖上天之載无聲无臭其體則謂之易 率性則謂之道修道則謂之教孟子於其中又發揮 徹下不過如此〇修辭立其誠不可不仔細理會言 其理則謂之道其用則謂之神其命於人則謂之性 明道先生曰忠信所以進德終日乾乾君子當終日 大易粹言

无咎矣

立定四庫全書 能修省言解便是要立誠若只是修飾言解為心只 是為偽也若修其言辭正為立已之誠意乃是體當 誠文質之義也〇子貢之知亞於顏子知至而未至 為實下手處修辭立其誠為實修業處〇修辭立其 手惟立誠才一作有可居之處有可居之處則可以 白家敬以直内義以方外之實事道之浩治何處下 修業也終日乾乾大小人事却只是忠信所以進德 之也颠錄の知至則便意誠若有知而不誠者皆知

故曰可與幾也知終而終之則可與存義也知至 未至爾知至而至之者知至而往至之乃吉之先見 至至之則自无事可奪入 進德修業而已內積忠信所以進德也擇言寫志所 伊川先生曰三居下之上而君德已著将何為哉惟 所以居業也此乃乾道由此二句可至聖人也 0 儒者之所以必有室礙者何也只為不致知知 約節訓〇忠信為基本所以進德也解修誠意 大易粹言 錄關 击

故可與存義所謂終係理者聖之事此學之始終也 終終之力行也既知所終則力進而終之守之在後 之知之在先故可與幾所謂始係理者知之事也知 懼雖在危地而自无咎也傳〇些中當愛文中子或 君子之學如是故知處上下之道而无驕憂不解知 以居業也知至至之致知也求知所至而後後至至 問學易子曰終日乾乾可也此語最盡文王所以聖 亦只是箇不已先生曰凡說經義如只管節節推

新庆四库全書

밫 去可知是盡夫終日乾乾未盡得易據此一句只做 則自然是盡只是理不如此為幾〇忠信所以進德 得九三使若謂乾乾是不已不已又是道漸漸推去 者何也開邪則誠自存誠自存斯為忠信也〇忠信 至則當至之知終則當遂一天終之須以知之深則 進德修辭立其誠所以居業修立在人敢所錄〇知 知而淺饑而不食鳥喙人不蹈水火只是知人為不 百里五日 行之必至无有知之而不能行者知而不能行只是 大易粹言

慎思皆致知知至之事為行便是終之如始條理終 善只為不知知至而至之知幾之事故可與幾也知 也始於致知智之事行所知而至其極聖之事也易 條 終而終之故可與存義知至是致知博學明辨審問 樂之作始以金奏而以玉聲終之詩曰依我磬聲是 録○金聲而玉振之此孟子為學者言終始之義也 四月白豆 知至至之知終終之是也所緣○知至至之如 理因其始係理故能終係理猶知至即能終之入

後學它行事元堯許多聰明唇智怎生得如它動容 事固可以勉强然致知甚難曰子以誠敬為可勉强 然後可與存義或云九三知九五之位可至而至之 幾者安能先識至處知終終之知學之終處而終之 且恁地說到底須是知了方行得若不知是戲却堯 知至至之只是至其道也所緣○或問忠信進德之 大然事使人臣常懷此心大亂之道亦自不識湯武 大易粹言

學者且先知有至處便從此至之是可與幾也非知

易曰知至至之始 周旋中禮到元承 學者必知所以入德不知所以 也の適在不安之位故曰因其時の求致用者幾不 耳若不忠信如何進德不聽德當至也不憂業當終 横渠先生曰乾九三修辭立誠非繼日待旦如周公 不足以終其業の忠信所以進德學者止是一誠意 可緩將進德者從義必精此君子所以立多凶多懼 入德未見其能進也故孟子曰不明乎善不誠其身 定四庫全書

鉗

信也故其言為德言不行則已行則必忠信也故其 采故善學者其心以忠信為主不言則已言則必忠 廣平游氏曰忠信所以進德也如甘之受和白之受 尚友而急賢欲勝已者親無如改過之不各蒙正 重以自持厚重知學德乃進而不固矣忠信進德唯 於戰國之際此所以潛見之不同〇將修已必先厚 之地乾乾德業不解於趨時也知至極盡其所知也 ○顏淵從師進德於孔子之門孟子命世修業 大易锌言

禮必出於足恭智必出於行險安往而非敗德也哉 无信則中无無主矣以之為仁則蹩覽而已以之為 為義不主於忠信則義必出於矯抗操是心以往則 何也曰忠信所以進德而義也禮也以信成之人而 以為基亦沒世不能立矣○人而无信以輗軏為喻 而非進德哉故為仁不由於忠信則仁必出於姑息 行為德行止而思動而為無時而不在是爲則安往 何進德之有馬譬之欲立數仍之牆而浮埃聚沫

鉑

定四庫全書

尺三日日 1 15 虚空中行德何以進録〇修辭立誠而剛大之氣形 義則跟跋而已為智則誣為禮則偽无所施而可也 龜山楊氏曰忠信乃為進德之基本无忠信則如在 潔終不可入堯舜之道故其喻如此 諸外則鄙倍斯遠矣○知至將以至之則見其進矣 无運行之實人而無信則雖居之似忠信行之似廉 所資以進也故輪與雖偏而无輗斬則有車之名而 輗貳大車小車所恃以行者也而有信則大德小德 大易粹言 解並 語

皆不足以居業也事之方來可至者至之君子知動 未至乎然之故未見其止也顏淵知至矣未至乎終 之微作事謀始也事之已往當終者終之君子存謹 者也其修辭外見者未見其所以盡成已成物之道 在我者也非内盡忠信則德不可進事業措諸天下 也蓋不如是不足以進德修業大有為於天下也德 白雲郭氏日乾健也乾乾健之至其自强不息可知 之而死故孔子惜之也語

金灰四厚全書

九四或躍在淵无咎何謂也子曰上下无常非為邪也 修辭也以誠為主説 知至之幾知終之義不驕不憂皆乾乾而夕惕者也 之道故居三之尊而不驕任五之事而不憂雖在危 終如始之義也卦至於三其道革矣自初至三可終 修辭立其誠如辜陶矢厥謨之類是也發號施令皆 地何各之有夫內以忠信而進德外以辭誠而居業 之德業也自四以往可至之德業也既盡善始善終

こ 易卒言

欽定四庫全書 進退无恒非離羣也君子進德修業欲及時也故无咎 道也 隨時而未必可也君子之順時猶影之隨形可離非 止不可常也故云或深淵者龍之所安也在淵謂躍 宜非為邪枉非離羣類進德修業欲及時耳時行時 伊川先生日或躍或處上下无常或進或退去就從 横渠先生口以陽居陰故曰在淵位非所安故或以 所安湖在深而言躍但取進就所安之義或疑辭

業欲及時即是无然畔援无然散美誕先登于岸也 習行之自无不利非為邪則是防降庭止也進德修 故曰在淵能不忘於躍乃可免咎非為邪也終其義 退非為邪也即是直也天道不越乎直直方自不須 也君子進德修業欲及時也此時可上可下可進可 也〇九四日上下无常非為邪也進退无恒非離羣 欲及時也能如是擇義則无咎也○九四以陽居陰 躍德非為邪故進退上下唯義所適唯時所合故曰 J. J. 189/ 大易粹言

者上下進退係乎時命也孔子當為委吏乗田矣豈 言无畔去亦无援引亦无散向亦无羡而不為誕知 進德修業欲及時也在帝左右所謂及時者與正 誕先登于岸並易○防降庭止上下无常非為那也 位天德而已位天德大人成性也九三九四大體相 登于岸耳岸所處地位也此與進无咎同意唯志在 白雲郭氏日上下進退皆貴有常而不愛而此无常 似此二時處危難之大聖人則事天愛民不恤其它

鉗

定四庫全書 |

孟子以可仕則仕可止則止為聖之時而文言以或 時而已君子進德修業欲及時是以下忘於或躍也 懼進不以道而退不以義者故以及時釋或躍无咎 捨正道而為此哉亦豈離類敗德而為此哉不得其 龍德在下而已違之疑其離羣也故言非離奉孔子 存馬耳九四之處不以正疑其為那也故言非為邪 躍為欲及時其義一也由是知魯之司寇或躍之義 大易粹言 里

親本乎天者親上本乎地者親下則各從其類也 語云人物物論謂人也易中利見大人其言則同其 聖人作而萬物旨想上既見下下亦見上物人也古 伊川先生日人之與聖人類也五以龍德升尊位 相求水流濕火就燥雲從龍風從虎聖人作而萬物 相應同氣相求也流濕就燥從龍從虎皆以氣類故 之類莫不歸仰况同德乎上應於下下從於上同聲

九五曰飛龍在天利見大人何謂也子曰同聲相應同

定四庫全書

钦定日車至書 其辨明言在見前此之二五則聖人既出上下相 義則異如訟之利見大人謂宜見大德中正之人則 共成其事所利者見大人也言在見後本乎天者如 微感陰氣尚亦有氣則龍之興雲不足怪虎行處則 濕氣蒸蒸自出如濕物在日中氣亦自出雖木石之 物莫不然也傳〇雲從龍風從虎龍陰物也出來則 日月星辰本乎地者如蟲獸草木陰陽各從其類 風自生云闕〇動植之分有得天氣多有得地氣多 大易料言

吕之變也猶卜益叩以是言則報以是物而已易 同聲相應是王弼謂命日者律語聲之變非此之謂 也本乎地者親下重濁者是也天地之常莫不反本 五行之性在其中只是偏得土之氣故重濁也品 者〇本乎天者親上本乎地者親下雖木植亦無有 〇或問孝天之經何也日本乎天者親上輕清者是 人之孝亦反本之謂也皆 展先生日谷神能象其聲而應之非謂能報以律

たこりら 見之便非聖人作而萬物覩如日在天萬物便見 利見大人又日聖人作而萬物想 却逐下德性本得乎天者今復在天是各從其類 本乎地者親下一章止為飛龍在天而發龍虎水火 之喻盖明各逐一類去本在上者却上去本在下 易 山楊氏曰東坡云萬物都乃是萬物欲都之言欲 聖人作萬物親故利見大人〇本乎天者親 〇九五大人化矣天德位矣成性聖矣故既). J. . . | 1997/ 大易粹言

上九日亢龍有悔何謂也子曰貴而无位高而无民賢 人在下位而无輔是以動而有悔也 徳之同耳弱 故湯使聘之幡然而改者商之一德之臣也聞文王 白雲郭氏日大哉君臣之道各從其類如是之至也 與而盖歸乎來者周之同德之臣也雖求之於上應 之於下在人事如此而有必應必親之道者係乎龍 人唯恐不作作則即親矣作與親同時事也語

四厚全書

東至日華 A MA 宜矣影 矣德既不同則在下不應不為輔也動不知止其悔 知喪也賢人謂九三也九三之德知幾夕楊與此異 若聖人則不失其正何亢之有蒙 横渠先生日亢而自喪之也說○九龍以位畫為言 白雲郭氏曰貴而非其位不知退也高而无其民不 而有悔也易 伊川先生曰九居上而不當尊位是以无民无輔動 大易粹言

乾元用九天下治也 潜龍勿用下也見龍在田時舍也終日乾乾行事也或 窮之灾窮極而灾至也。天下治用九之道天與聖 人同得其用則天下治也與易 也。時舍隨時而止也含去聲の行事進德修業也 ○自試隨時自用也○上治得位而行上之治也○ 伊川先生曰此以下言乾之時勿用以在下未可用 在淵自武也飛龍在天上治也亢龍有梅窮之災也

處不論時也〇九五成性則齊聖而位天德九二正 皆時為難危又重剛又不中至九五則是聖人極致 中時舍而不受命乾九二有馬及夫化而理矣造而 舍時止也以時之和平故利見不至於害○三四則 遇之時二之時平和見龍在田者是可止之處也時 之地至於三四則不得所安也〇三四與二皆言所 位天德矣則富貴不足以言之〇九二居大中安止 横渠先生日大而得乎易簡之理當成位乎天地之 大易粹言

為也〇自武君子謹失時之戒故或自試〇上治以 舍明有正中君德亦必待時〇行事與事造業大有 位之人也後言文之時也〇時舍時可進故隨時而 者言乎天之德聖人之性故捨曰君而謂之天見大 天德位天位治所從出。窮之災窮不知變故災至 白雲郭氏曰下也曰下言微也如有鰥在下也前言 人德與位之皆造也說易

新定四庫全書

位於內卦之中有君德矣而非上治也九五言上治

時偕行或躍在淵乾道乃革飛龍在天乃位乎天德亢 龍有悔與時皆極乾元用九乃見天則 潜龍勿用陽氣潜藏見龍在田天下文明終日乾乾與 於定日事至書 一 則天下見其文明之化也也不而の與時偕行隨時 子亦當晦隱未可用也○天下文明龍德見於地上 伊川先生曰此以下言乾之義方陽微潜藏之時 而進也○乾道乃革離下位而升上位上下革矣○ · 天下治知乾元之義而用天德則治矣並易 大易粹言

時既極則處時者亦極矣 0 乃見天則用九之道天 横渠先生曰乾二五皆正中之德五則曰大人造也 之則也天之法則謂天道也並易 乃位乎天德正位乎上位當天德一作〇與時俗極 則位天德〇九五言乃位乎天德蓋是成聖實到山 自是聖人之德備具但未發見○見龍成性至飛龍 不言天位而言天德位不足道也所性不存馬潜龍 又曰聖人作而萬物親大人而升聖乃位乎天德也 月1171111 巻 钦定日華 年書 言乃位即是實到為已有也若由思慮勉勉而至者 縱心皆天也所以成性則謂之聖者如夷之清惠之 勉斯退矣所以須學問進德修業欲成性也成性則 止可言知不可言位也言位則實在其所矣大抵語 人之事畢矣五乾之極盛處故以此當聖人之成德 勉者則是大人之分也勉勉則猶或有退少不勉 大 易粹言

天德言德則德位皆造故曰大人造也至此乃是大

不言首出所性不存馬其實天地也不曰天地而曰

者進成功者退天之則也故乾元用九乃見天則 坤純乎陰陽者也故以用九用六與它卦不同将來 廣平游氏曰措者之法遇九六之數則變乾以純陽 和不必勉勉被一節而成性若聖人則大以成性。並 无首而吉坤以用六則陰知阻而變故永貞而利乾 故陽極而亢坤以純陰故陰極而戰如其變不則亢 説 而災戰而傷不能免也氧以用九則陽知險而變故

天德説 故為一也為物不二則其生物不測是以變動不居 無山郭氏曰剛健中正純粹精乾之九五七者咸在 龜山楊氏曰樂則行之憂則違之孔顏之所同天下 文明則孔子而已矣〇母固則與時偕行華 明君子出則道大明。與時偕行時可行健君子應 白雲郭氏曰陽氣潜藏則閉塞未亨之時〇天下文 流六虚莫不有留礙者矣故曰飛龍在天乃位乎 大易粹言

乾元者始而亨者也利貞者性情也乾始能以美利 天下不言所利大矣哉 飲定四庫全書 矣○乃位乎天德有天德而得天位也○與時俗極 時行之行謂用也の乾道乃革潜龍之義至四而革 並易 則唯天為大唯堯則之觀用九之義見天之可則也 明道先生曰性情猶言資質體段 乾道極矣時不復矣而不知止故與偕極 0乃見天 到

情為本情是性之動〇動處情又幾時惡故者以利 貞便是各正性命後屬人而言也利貞者分在性與 大矣哉此易〇元亨者只是始而亨者也此通人物 則息矣乾之性情也既始而亨非利貞其能不息乎 所利者盖无所不利非可指名也故赞其利之大曰 而言通元本謂始初發生大縣一例亨通也及到利 伊川先生曰反復詳説以盡其義既始則必亨不亨 ○乾始之道能使庶類生成天下蒙其美利而不言 大易粹言

新定四庫全書 · 卷一 為本是順利處為性若情則須是正也東見錄○利 看如何凡順理无害處便是利君子未當不欲利然 貞者性情也言利貞便是乾之性情因問利與以利 交征而國危便是有害未有仁而遺其親未有義而 孟子言何必曰利者蓋只以利為心則有害如上下 為本之利同否先生日凡字只有一箇用有不同只 後其君不遺其親不後其君便是利仁義未當不利

飲定四車全書 大易粹言 莫非性中發出實事也易 喜之欲怒者如此怒之欲哀欲樂者如此哀之樂之 情儘在氣之外其發見莫非性之自然快利盡性所 通之義貞者實也利快利也貞實也利性也負情也 横渠先生曰利貞者性情也以利解性貞解情利流 乾之始大是也乾之性情健是也惟其大故元亨而 白雲郭氏曰元亨者乾之始也利貞者乾之性情也 以神也情則是實事喜怒哀樂之謂也欲喜者如此

大哉乾乎剛健中正純粹精也六爻發揮旁通情也時 東六龍以御天也雲行雨施天下平也 盡其情義東六文之時以當天之則天之功用者矣 六者形容乾道精謂六者之精極以六爻發揮旁通 健故利貞也〇利天下者始於乾 元故象曰大哉乾 伊川先生日大哉赞乾道之大也以剛健中正純粹 元萬物資始可言所利則其利小矣不言所利无所 不利也說易

C 7.] . 2 . L. 兼山郭氏曰乾之為乾剛健中正純粹精是也及乾 也情猶言用也說易 獨見乎九五所以取象於飛龍也必也改論其精微 則七者咸在也盖陽德為剛乾德為健以位則中以 之象則六爻不齊能盡氧之義就其中正而純全馬 精也主以中正為精也六爻發揮言時各異旁通情 横渠先生日剛健中正中文之德〇剛健中正純粹 作雲行雨施陰陽溥暢天下和平之道也傳 大易幹言

鱼灰四库全書 中正以崇德發揮旁通以廣業時東六龍崇德以致 旁通情乾之業時東六龍以御天乾之用也雲行雨 施天下平氧之功也有是德則有是業有是用則有 粹它卦莫能與之同故謂之精調 才則正上下无異體故謂之純內外无偏係故謂之 天下平致美利也乾之大如此聖人之法乾也剛健 是功也然精者德之精情者卦之情東六龍用九也 白雲郭氏曰剛健中正純粹精乾之德也六爻發揮

見行而未成是以君子弗用也 君子以成德為行日可見之行也潜之為言也隱而未 於外可也〇君子之道成身成性以為功者也未至 施於用初方潜隱未見其行未成未成未者也是以 横渠先生回成德為行德成自信則不疑所行日見 君子弗用也說 伊川先生曰德之成其事可見者行也德成而後可 用也雲行雨施廣業之功成也說易 大易粹言

艾以教人隱而未見之仁也語 未成者也非如學者之未成凡言龍喻聖也若顏子 成故曰吾聞其語矣未見其人也龍德而隱聖修而 於聖皆行未成之地耳顏子之徒隱而未見行而未 白雲郭氏曰隱而未見時之未至也行而未成德未 顏子則衍正也並易〇以能問不能以多問寡私叔 可以當之雖伯夷之學猶不可言龍龍即聖人之德 大成也是以確乎不可拔也成德者時成之龍德也

龍在田利見大人君德也 君子學以聚之問以辯之寬以居之仁以行之易曰見 業而已學聚問辯進德也寬居仁行修業也君德已 潜未足以與此説 言之信行之謹善世不伐德博而化皆可見也初之 著利見大人而進以行之耳進居其位者舜禹也進 伊川先生曰聖人在下雖已顯而未得位則進德修 行其道者伊博也易 大易粹言 Ŧ

敏定四庫全書 盛於六二故不習无不利說○開邪存誠此尊德性 廣平游氏曰乾之道不盡於九二故以學問坤之道 故潜龍勿用知其行而未成也見龍在田知其君德 白雲郭氏曰學聚問辨寬居之者期於仁以行之耳 子方學以聚之問以辯之者也田非不可安安之非 無山郭氏曰九二見龍在田以君德而處臣位在君 也非學以聚之問以辯之則擇善不明矣申庸 所宜也是以利見大人東以待在學以待發故也認

飲定四庫全書 而楊雖危无谷矣 九三重剛而不中上不在天下不在田故乾乾因其時 所以能表也思 乾兢惕以防危敌雖危而不至於咎君子順時兢惕 伊川先生曰三重剛剛之盛也過中而居下之上上 大成而可行也是以利見大人唯仁以行之為九 **禾至於天而下已離於田危懼之地也因時順處於** 大易粹言

九四重剛而不中上不在天下不在田中不在人故或 剛而過中故為危懼之地説 白雲郭氏曰在天為君在田為臣皆中正也三乗重 無山郭氏曰九三上不在天下不在田位則人也故 因時而楊進德修業之事也影 横渠先生白乾三四五過中重剛時不可含庸言庸 正性命故其危其疑艱於見德者時不得舍也並 行不足以濟之雖大人之盛有所不安外趨變化內

之或之者疑之也故无咎 無山郭氏曰九四或躍在淵上不在天下不在田中 横渠先生曰此以六畫分三才也以下二畫屬地則 四遠於地故言中不在人若三則止言不在天在田 也疑者未决之辭處非可必也或進或退唯所安耳 伊川先生日四不在天不在田而出人之上矣危地 所以无咎也傷

大日日 自 1 15 大易粹言

夫大人者與天地合其德與日月合其明與四時合其 序與思神合其古山先天而天弗達後天而奉天時 處不安於處故疑也認 不在人前道之革也是以進不安於進退不安於退 白雲郭氏曰四承重剛多懼之地上不為中正之君 无咎 而或之也或之則毋必以是可進則進可退則退故 下不為同德之臣中非與事造業之任故於進退

四月全書

ich and ben of the 道也天地者道也鬼神者造化之跡也聖人先於天 伊川先生曰大人與天地日月四時思神合者合乎 謂也與劉為〇若不一本則安得先天而天弗達 地参替者参之義先天而天弗達後天而奉天時之 天而奉天時叔錄 非在外也〇至誠可以赞天地之化育則可以與天 明道先生曰大人者與天地合其德與日月合其明 大易粹言

且弗達而况於人乎况於思神平

金 才聖人忘已更不論才也對后承 德日月合明六尺之驅能有多少技藝人有身須 鬼神言其功用天言其主宰論戲○聖人與天地 神合吉凶天地合德日月合明然後能无方體能 横渠先生曰浩然无間一作則天地合德照无偏 則人與思神豈能違也傳〇天且不違况於思神乎 而天同之後於天而能順天者合於道而已合於道 日月合明天地同流則四時合序酬酢不倚則 四月五世 |

事但德威處唯已知之點而成之不言而信不怒 事尚可勉勉修而至若大人以上事則无修故曰過 於未化爾〇大人與聖人自是一節妙處精義入神 此以往未之或知言不可得而知也直到已實到窮 以致用也利用安身以崇德也以理計之如崇德之 知不合也雖然得聖人之任皆可以勉而至猶不害 方體然後能无我〇先後天而不違順至理以推 知化是德之極盛處也然而人為者不過大人 大易粹言

鉗 威如此方是成就吾之所行大人之事而已故於此 體然不過是大人之事唯是心化也故當謂大可為 時合其序與鬼神合其吉山如此則是全與天地 難於分別大以上之事如禹稷阜陶輩猶未必能知 而至於大以上自是住不得言在熟極有意大與聖 也大而化不可為也在熟而已盖大人之事修而可 文却說大人者與天地合其德與日月合其明與 定四庫全書 化則不可加功則是助長也要在乎仁熟而已然

竟舜有人於此敦厚君子无少異聖人之言行然其 其心以天下為已任規模如此又克已若無則與聖 然須當皆謂之聖人盖為所以接人者與聖同但 時至有以子貢為賢於仲尼者唯子貢則自知之人 心與子貢仲尼須自覺有殊在它人則安能分別當 能以大為此常以聖人之規模為已任久於其道則 人直无間別孔子亦謂禹於吾無間然矣久則須至 知不足不肯自以為聖如禹之知斯可謂之大矣 大易粹言

無山郭氏曰孔子釋飛龍而明之以四合何也盖在 須化而至聖人理之必然如此其大即是天也又要 龜山楊氏曰聖人與鬼神合其吉凶則其轉也久矣 谁能知故曰知我者其天乎並易 子猶自謂若聖與仁則吾豈敢儻曰吾聖矣則人亦 細審處行之并暗除不欺若心化處則誠未易至 地則合德在日月則合明在四時則合序在思

飲定四庫全書 人


元 已日 年 在 香 其道則无不周放其迹則无可係此莊子所謂反一 其古山先天而天弗違後天而奉天時盖言誠者事 也九二曰見龍在田子曰學以聚之問以辨之寬以 子曰天地合其德日月合其明四時合其序鬼神合 異於四合者也說 无迹者也反一无迹唯飛龍能盡之不然釋飛龍何 則合吉凶雖四者之間各有其所合而終无所留究 白雲郭氏曰當讀易至於乾之九五曰飛龍在天孔 大易粹言

蓋與天道同者不係乎先天後天也究觀乾之一卦 易之乾明大人之道則知大者乾道也造然 則包議之畫明人配天地文王之重明聖人成天地 於賞罰是以能同於天而无相違之道况於人鬼乎 私於照臨其序有常无私於生養其吉凶有感无私 唯有大德故其德有容无私於覆載其明无不及无 白雲郭氏曰天下至大也非有大德者不能有天下 居之仁以行之盖言誠之者之事也解庸〇孔子於


知喪其唯聖人子知進退存亡而不失其正者其唯聖 九之為言也知進而不知退知存而 不知亡知得而不 得喪之理也聖人則知而處之皆不失其正故不至 伊川先生曰極之甚為亢至於亢者不知進退存亡 之能周公之文明有天德則居天位孔子之辭明 天之大舜能有大禹為大禹皆九五之大人與説 天地則可治神人乃知君德不可以不大也故堯則

大三日日 人 山

大易粹言



第十八頁後四行此又聖人法乾用九之道也刊 謹案第十七頁前二行此萬一之所從出也按 第二十五頁後一行不合禮則非理刊本理訛禮 第二十一頁後二行故指其而言也按其下疑有 疑物字之訛 脱字 據程子易傳改 本又說有今改





養野官庶吉士臣 章宗藏總校官庶吉士臣 章宗藏